


豫東宣防錄

乾隆四十年

地721
844
:8



豫東宣防錄目錄卷五

乾隆四年

謹籌湖水利運事宜

敬陳稽察漕弊三條

遵行

耕藉

請定河員起復假滿仍留河工

請設商虞通判

薦舉幕賓

東省水利請照豫省修濬

豫東宣防錄

卷五

目錄

請修河堤代賑

帮築豫省黃河堤工

恭報秋汛安瀾

謹籌清地栽葦

請增曹單廳員


請設黃河巡船

請巡漕御史分地巡查

漳河請復故道

病軀難膺重職

恭謝



聖恩在任調理并

賜漫遣醫

病痊恭送太醫回京恭謝

天恩

奏覆會勘小清河修濬情形

豫東宣防錄

卷五

目錄

豫東宣防錄卷五

總督河南山東河道提督軍務都察院右副都御史臣白鍾山

謹籌蓄水利運事宜

奏為謹籌蓄水利運事宜恭請

聖訓事竊臣准工部咨議覆部臣趙殿最等條奏運河西岸南旺南陽昭陽等湖今河東總河山東巡撫飭令該地方官詳細確勘有可蓄水利運者即行題明相機修治如果廢棄年久不能復用亦將不能再復形勢據實奏

聞奉

豫東宣防錄卷五

硃批依議欽此欽遵移咨到臣臣查

大清會典開載山東諸湖在運河東者儲泉以益河之不足曰水櫃在運河西者分漲以洩河之有餘曰斗門又查山東全河備考云諸湖惟蜀山馬踏在漕岸之東可稱水櫃南旺西湖在漕岸之西但稱水壑不可稱水櫃由此觀之是運河西岸各湖不可以櫃而僅可以洩運河盛漲之水由來久矣然山東運河水無來源當春夏之交雨少泉微漕船北上滴水如金但湖底窪下河高於湖水可注之使下不能挽之使上臣往來屢次相度再四籌思

查南陽昭陽二湖原與微山湖通流下有湖口閘
每年開放以濟江南邳州一帶運道不為廢棄無
庸置議惟南旺西湖湖面廣濶水勢散漫且外高
內窪有進無出不能濟運誠為可惜因思此湖之
所以不能出水濟運者以其河高於湖河水能入
而不能復出故也若能使湖水高於河水即可輸
河而濟運矣雖湖地本來窪下不能增高而湖水
設法收束可使充盈則築堤逼水之法正可行於
此湖假如河高於湖三尺而湖中築堤高至八尺
則堤高出於河面五尺蓄水盈至五六尺則湖水
轉高於河水二三尺矣今若於湖中相近運河地
勢稍高之處截築一堤周圍環繞分為內外兩湖
則束起平川水不漫流自然盈滿易於暢出伏秋
運河水漲之時收入內湖次年春夏運河水弱之
候放出濟運既可洩運河之有餘兼可濟運河之
不足似為蓄水濟運之一策臣令管河道王鴻勳
帶同廳汛並地方官悉心查勘細加測量將湖內
何處可以築堤蓄水及河水應從何處放入歸湖
湖水從何處放出濟運設遇水大之年湖內不能
容納又應作何宣洩逐一詳細勘明議覆去後嗣

據詳稱遵往細加查勘寺前閘迤北嘉祥縣汎元
帝廟前起至開河閘迤南汶上縣汎關家閘北止
近在河邊地勢較湖心稍高可以築堤蓄水東面
即靠運堤西面加築圈堤一道長五千餘丈兩頭
與運堤相接周遭繞匝內可蓄水圈堤以內為內
湖圈堤以外為外湖再於圈堤內建斗門二座相
機啟閉河水儘內湖收蓄如遇水大內湖不能容
納開放斗門洩入外湖其河水收入內湖止須將
運堤內舊有之常鳴等斗門單閘畧為修葺堅固
即可資宣洩斗門內進水引渠挑濬深通俾引水

下注至湖水放出濟運查常鳴等斗門單閘地處
高亢不能出水歸河濟運應另由新築圈堤內南
首建斗門二座開放湖水一由十字河口歸河以
濟寺前閘迤南之運一由太平庄歸河以濟寺前
閘迤北之運其十字河口并太平庄兩處均應建
出水單閘一座以便啟閉查十字河口有廢石橋
可以拆選添用節省錢糧至圈堤北首即由關家
閘放出以濟開河閘迤南十里閘迤北之運不必
動用帑金另建斗門惟將湖內高阜處所挑浚引
渠使水暢流出閘此河水入湖湖水濟運之關鍵

大要也至築堤丈尺土方俟河水稍涸之日逐細
丈量核估據實造冊另報等情臣復親往履勘其
所指加築圈堤與應建斗門單閘之處皆因高就
卑頗得形勢如此修治則可使河水放入湖內收
蓄亦可使湖水放出河內濟運向來壑水之區轉
而為蓄水之櫃實於運道有益但臣愚昧之見是
否可行臣未敢擅便先將遵

奏伏乞

皇上訓示遵行

豫東宣防錄

卷五

敬陳稽察漕弊

奏為敬陳稽察漕弊事宜仰祈

睿鑒事竊照每年漕船北上蒙

皇上分遣御史駐劄各省原為稽察漕弊非徒督押催
饋已也臣等伏讀

諭旨今歲漕糧抵通之後旗丁無力回南甚或棄船河
干以致上厪

聖衷賞銀兩以恤其艱肅法紀以儆其玩

皇恩浩蕩

睿慮周詳臣等竊思漕弊多端如在水次則有折乾之

豫東宣防錄

卷五

五

弊過淮則有盤糧查貨需索陋規之弊抵通則有
經紀車戶人等勒指晒颺之弊邇年以來倉場總
漕並諛省督撫諸臣仰遵

聖訓自必竭力剔除毋庸置議惟沿途盜賣漕糧弁兵
需索以及催募剥船添加短緯其中有弊在旗丁
者亦有弊在沿途兵民者有實係苦累旗丁者亦
有旗丁自行花費虧空及至抵通藉稱沿途苦累
者臣等奉

命巡漕饋運均有稽察之責若不清其源杜其微覈其
實使人人各有責成人人自相覺察則沿途之弊

竇恐未能盡除而運丁之果否苦累亦無由分別
今臣等將應行稽察事宜公同悉心籌酌臚列各
條謹為我

皇上敬陳之一盜賣漕糧地方官處分宜定也漕糧上

關

天庾顆粒難容虧缺往往有不法旗丁或思抵通交倉
弊混掛欠或妄異得銀帶物以獲微利遂於沿途
盜賣以致虧缺正數買補艱難回南無力此漕弊
之首宜稽察者沿河地方官近在河干見聞最切
且所管河路無多賣米之鎮市更少稽察甚易定

豫東宣防錄

卷五

六

例盜賣漕糧地方官失察一起罰俸六個月以次
遞加至失察四五起以上始降一級調用查一州
一縣地方斷無接連盜賣四五起之事亦斷無失
察盜賣四五起俱被上司察出叅處之事而失察
一二起止於罰俸處分較輕是以地方各官往往
漫不經心且查押運官員失察旗丁盜賣漕糧例
係降一級調用亦並未計算起數應請嗣後糧船
旗丁在該地方內盜賣漕米五十石以上者經該
管上司並巡漕御史查出題叅將該地方官降一
級留任一百石以上降一級調用其道府所管地

方遼濶如有失察仍照舊例處分如此則地方官畏懼降級之重愆自必加謹稽察沿途無容留泊船之處旗丁亦無從賣米而盜賣漕糧之弊可除矣一催漕弁兵容留需索失察故縱各官之處分宜酌定也查旗丁欲在途次盜賣米石停泊糧船勢不得不賄通催漕弁兵本出兩相情愿自必互為容隱與者既不告發受者更不肯首報其弊究無從覺察惟該管將備所管汛地無多稽查猶易從前並未定有失察處分未免視同膜外應請嗣後催漕弁兵需索旗丁銀錢土物者經該管上司

並巡漕御史察出係兵將該管千把總以失察衙役例處分係弁兵將該管將備以不揭報劣員處分至押運官弁所管船數無多且係晝夜在船其旗丁有無行賄被索之處無不深知如果據實詳報該處河撫巡漕諸臣不難即時追究乃亦因未定有處分遂致通同隱匿弁請嗣後如有催漕弁兵需索旗丁或旗丁行賄而押運官員不即申報者照應申上司而不申報例處分如知情故縱應照以財行求律與旗丁一體治罪至於旗丁如被催漕弁兵需索即時首告免罪仍追贓給領其贓

少首多或因催僭挾嫌誣首者照誣告律治罪如不行首告及以財行求者照律與受同科贓銀入官催漕弁兵如有旗丁行賄即據實首免其治罪並免追贓如此則非首告於弁兵旗丁即察報於押運官弁與該管將備而沿途賄通需索之弊可除矣一催募剝船宜令押運官員與沿河州縣即時查報也旗丁抵通動稱沿途催募剝船添加短絳以致運費不敷莫邀望外之

皇恩其中實係苦累者固有而自行花費虧空借端掩飾者亦不能保其必無若不定以稽察之法虛實

無由分別除催募短絳已經倉場侍郎臣塞爾赫等條奏部議令總漕將作何約束兵目嚴禁絳夫勒索之處詳悉定議報部應聽漕臣定議外至催募剝船雖非每年常有之事而稽察之章程不可不立查上年本省因天旱水微需船剝運係令沿河州縣預備剝船官為定價聽旗丁隨便僱用並無船戶勒索情事其船戶在河干守候俱係地方官酌給食米亦未累及船戶去歲行之東省丁民俱各稱便已著成效應請嗣後糧船如遇夏間雨少水淺載多船重之時即照東省上年成規地方

官預備剥船先儘貨物起剥貨物起淨再剥漕米
總按裝載米石之多寡給以催價因時制宜官為
酌定先行飭知押運官員並該地方官即將帮船
旗丁姓名用船隻數催船價值或係剥貨或係剥
米呈報督撫漕河諸臣並巡漕御史備案如此則
催價公平船戶不敢任意勒索而查報有案旗丁
亦不得借口賠累抵通之後自無運費不敷力量
艱窘上廛

聖心之事矣以上三條臣等因釐剔漕弊起見謹合詞
陳

豫東宣防錄

卷五

九

奏以期諸弊廓清少盡稽察之責是否可採伏乞
皇上睿鑒訓示遵行

遵行

耕藉

題為恭報微臣遵行

耕藉日期仰祈

睿鑒事案于乾隆四年正月十三日准河南撫臣尹會
一咨准禮部咨開為請

旨事議得乾隆四年三月初五日辛夷祭

先農壇恭請

皇上行耕藉禮等因具奏奉

旨依議欽此欽遵移咨到臣臣隨行所屬一體欽遵在

豫東宣防錄

卷五

案今臣奉

旨會同山東撫臣法敏查勘小清河于乾隆四年三月
初五日辛夷在齊東縣地方率同該地方官並耆
老農夫恭祭

先農之神遵行

耕藉之禮望

闕叩頭恭謝

天恩訖竊惟八政之首曰食

聖主爰首貴夫農功一年之計在春小民必先勤于東
作欽惟我

皇上

堯時敬授

禹甸仁敷禋祀

先農本望歲祈年之至意

躬行耕藉示重本抑末之深衷

蒼玉明虔萬國仰

聖心之無逸

朱紘親御

九重知稼穡之艱難下及臣工一時秉耒推行郡縣同

日薦馨臣職任宣防實司水土緣奉

豫東宣防錄

卷五

十一

欽命會勘河渠因與撫臣巡行阡陌茲抵齊東之境正

逢吉亥之辰偕撫臣而肅奠

農師率群黎而俶載南畝第見烟籠繡壤雲覆青郊

霖霖應時卜豐亨之預兆菁葱蔽野知穎粟之可

期雨順風調億兆享盈寧之慶春耕秋斂閭閻遊

熙皞之天長堤屹若金城河流彌潤埽壩安如磐

石德水凝膏所有臣耕藉日期理合恭疏

題報伏乞

皇上睿鑒施行

請定河員起復假滿仍留河工

奏為請定河員起服赴補河弁年滿留工之例以收實效以重河防事臣竊觀歷任河臣奏議皆言河工以用人為要修防以諳練為先然人才難得在工者多諳練者少或質本愚鈍未能觸類旁通或性近粗浮不肯用心習學求其熟悉水勢情形通曉修防之成法者蓋十不得一焉如能深明水性于似平而伏險雖險而漸平之處體察入微修守合宜者則千百中不得一矣故文員於留工之後斥逐者有之委署之後掣回者有之武弁于入伍

之後革糧者有之板補之後又斥革者有之其文員自留工以至委署實授武弁自入伍以至板補年滿已幾經察試幾經閱歷雖不能必其深明水勢而水勢消長情形工程平險機宜已皆身經目覩熟諳于胸中若一旦令其離工遠去殊為可惜如河工文員丁憂例應回籍守制及服滿起復即由本籍起文赴部另補間有本人愿回河工者河臣酌量題咨或奉

特旨俞允或經部覆准行然如此者甚少蓋因未有定例去來由其自便河臣不便于服滿之後催其回

工部臣亦不便以係河工之員不准補用別處是河工去一丁憂之員即少一諳練之人矣近又奉定例官員出繼為人後者遇本生父母亡故槩令回籍治喪一年限滿起文赴補是河工去一治喪之員又少一諳練之人矣臣愚以河工文員必係在工有年諳練修防始

題署咨署試用年滿堪以勝任始保

題實授若舍此年久諳練之員而俟投効新人望其習學諳練再行委用不若即令伊等于丁憂服闋治喪服滿仍赴河工差委候補則駕輕就熟人地

豫東宣防錄

卷五

三

相宜俾其宣力河防不特成就人才而於河工實大有裨益又如河營千總六年俸滿例應開缺如熟悉椿埽勤敏盡職許咨部留工効力遇守備缺出與現任千總一體揀選題補但河營守備之缺甚少如河東兩省僅有守備三缺候補無期此等年滿千總原因熟諳椿埽留工係有用之人今既不能陞補守備又不能仍留千總並無應得之俸餉而令其終年在工差遣奔走衣食無資遲之日久未免因盤費拮据漸生退縮之心請嗣後河營年滿千總亦照兵部所定標營年滿千總之例分

別等第如果熟諳工程實心任事著有勞績確有實據者列為上等給以千總俸餉在工効力遇有守脩缺出即行

題補送部引

見請

旨其歷俸未滿之千總不得一體選補如止係熟悉樁埽勤慎供職者列為中等給與馬糧一分但河營未設馬糧改給步糧二分在工効力俟著有勞績遇有守脩缺出與現任千總一體選補至河營汎廣兵單此項年滿千總俸餉步糧不便于額設兵

豫東宣防錄

卷五

五

餉內減給應請統于建曠項下動支惟是向例年滿千總熟悉樁埽者但止咨部留工並不連人送部今既分別等第給餉候補亦應照標營之例河臣出具切實考語送部驗看帶領引

見其從前留工年滿千總俟奉

旨俞允之日補送引

見恭候

欽定如此則文武齊驅人人思奮河工皆得諳練之人

河臣可收臂指之用臣因仰體

聖主慎重河防務求裨益工程起見敬陳芻蕘是否可

行伏乞

皇上聖鑒訓示遵行

豫東宣防錄

卷五

五

請設商虞通判

奏為請增設廳員以專責守以重修防事竊照河南歸德府屬考城商邱虞城三縣黃河工程居豫省之下游與江南徐州府屬碭山縣毛城舖一帶河堤接壤蓋南北之要衝上下之關鍵也臣等查黃河自陝西潼關以下入河南界經數百里會合沁河及伊洛瀍澗千支萬派之水奔騰而來至此水勢逾大地勢逾卑河身漸窄土性又踈每遇水漲易聚難消工程最為險要修防最宜謹慎上年江南河臣高斌以碭山毛城舖減水壩較舊制更加周密將來洩水自少汎水長發盈漕溢岸疏請將毛城舖迤上至豫省虞城縣交界止臨河縷水大堤擇緊加築一律崇墉高厚又以舊設徐屬同知地遠工長鞭長莫及請添設通判一員駐劄碭山縣地方上自虞城縣交界起下至王家山各處埽壩險工令其蒞管并司毛城舖等處減水壩啟閉蓄洩機宜經部覆准奉

旨俞允是虞城以下在江南界內者大堤既經增修要工又有蒞責可保無虞籌畫已為妥協周匝惟是虞城以上係在河南界內而實與江南大堤毗連

形勢險要相同現據管河道詳請接修堤工與江南一律高寬并酌修埽壩以資捍禦但思工程固宜修築而防守尤貴謹嚴考商虞三縣河道迂迴曲折計長二百七十餘里止設管河通判一員當伏秋汛漲之時刻刻宜防處處宜守諛通判以一身而東西上下往來奔馳精力稍弱者固無論已而強幹者亦不免有顧此失彼之虞今歲秋汛內黃河水勢疊次漲發停久不消臣等派委効力人員及標營員弁協力修守獲保平穩但工長汛險通判一員勢難兼顧委員協助暫時行之則可若

定為常例轉恐彼此推諉掣肘有悞機宜臣等身在地方目擊情形城社民生攸關匪細籌之已久今復面同再四商酌必得添設通判一員將虞城縣與江南碭山縣交界起上至商邱縣頭堡止堤埽各工俱令新設之通判分管以端責成其有上下相關或汛漲不消之時此商虞新設之通判與江南新設之蕭碭通判彼此關會遵照江南河臣高斌原

題相機啟閉宣洩務期上游下游兩利無碍至原設之歸河通判所管工程除商虞二縣分撥外止餘

考城一縣查開封府下南河同知所管祥陳蘭儀
四縣河道亦長二百七十餘里險工林立該同知
一身亦難兼顧請將儀封縣堤埽各工與考城縣
河道工程俱責成原設之歸河通判經管修防改
為儀考通判而今下南河同知嵩管祥陳蘭三縣
河道工程則繁簡適均力有可施開歸兩郡緊要
工程各有耑員耑責既無奔馳莫及之勢自無竭
蹙遲悞之虞矣臣等因要工起見是否可行伏乞
皇上聖鑒訓示遵行

薦舉幕賓

奏為遵例薦舉以副

盛典事竊照乾隆元年定例督撫幕賓如有才守出羣者該督撫揣保薦送部引

見從優議叙等因遵行在案臣惟幕賓延入幕內朝夕晤對相處既久其人之才識心行無不深知熟悉較之屬吏交游知之更稔人臣以人事

君義當舉其所知况

聖朝闢門籲俊已著為令典更何敢知而不舉臣自于雍正九年蒙

豫東宣防錄

卷五

十九

世宗憲皇帝隆恩由淮揚道超擢蘇州藩司即延浙江會

稽縣人倪學端辦理幕務及臣蒙

恩補授南河副總河旋陞河東河道總督皆倪學端在署襄助今已八載餘矣觀其為人謹慎誠實辦事明敏諳練在臣幕中八年如一日臣思幕賓既肯盡心居官必能盡職查倪學端係候選縣丞熟諳吏治而于河防一切事宜平日尤為究心數年以來與臣往來河干臣復與之講論辨晰更覺習練可謂河工有用之人臣既歷試有年確知其才守可信遵例恭摺保薦以副

聖朝鼓舞人才之

盛典可否優叙出自

皇上天恩再查目下桃汛已屆徃前即值伏秋大汛容
俟秋汛後即將倪學端送部引

見合併

奏明伏乞

皇上聖鑒施行

豫東宣防錄

卷五

東省水利請照豫省修濬

奏為請行豫省已行之例以廣水利以重農工事竊惟地方水利工程雖與河防有平險難易之殊而其大要總在修防于平日保護于臨時方能永遠受益若平日不講修濬之方及至山水驟發又無耑員竭力保護雖溝渠陂澤亦不免有泛溢滄及田禾之虞我

皇上念切民生屢頒

諭旨令督撫有司將一切水旱事宜悉心講究應修舉者即行修舉應動帑項者即行奏聞乾隆元年六月內為蘓松淮揚各湖河特奉

豫東宣防錄

卷五

五

上諭朕思與其歲久濬築事難費倍不若逐年疏葺事易費省仰見我

皇上聖明天亶早已洞悉無遺臣于乾隆三年奉

旨與河南撫臣尹會一商辦葉縣西平襄城郟城遂平等縣水利事宜將每年伏秋水發之時耑管水利之同知通判照河工例住宿防護水過之後查勘河渠淤淺堤堰殘缺即于冬春農隙率夫浚築並廳印官應行議處議叙各緣由詳議具奏經部議覆除廳印官三年無悞題請議叙之處無庸議外

餘俱照臣等所奏議准在案河南一省現在行之有益今歲山東章邱等七縣小清河水利工程蒙皇上允山東撫臣法敏所請亦令臣會勘臣查山東小清河與河南汝河洹河形勢大畧相同皆發源于衆山夏秋水勢暴漲俱宜平時修浚臨期保護方保無虞且由此以推各省川澤河渠未有不修防於平日而能免患于臨時者誠如

聖諭逐年疏葺事易而費省也查臣前會同河南撫臣尹會一議奏修防水利事宜原止就河南一省而言所以部文止行于河南而未行於各省並未行

豫東宣防錄

卷五

三

於山東河南兩省現不畫一臣思凡有水利地方俱有專管兼管水利之道府廳縣自應通行山東及各省一例循行則經管水利各員知有責成自必隨時經理加意防範可無暴水漲溢淹漫之患而河渠堤堰逐年疏築不致積久淤墊殘缺多費工力脉絡通而隄防固永享水之利而不受水之害庶幾仰副

聖主保民若赤之至意抑臣更有請者臣前會奏管理水利之廳印官果能實力修防三年勤慎無悞題請議叙部議未准第水利為地方第一要務屢歷

聖心今既定有議處之例在怠惰之員自必知儆然不
予以議叙則勤勞之吏無以鼓勵似宜酌量議叙
則賞罰並行而水利各官咸知懲勸庶興行水利
可收實益臣雖蒞司河務不敢以水利為地方有
司之事稍為岐視謹將豫省現行之例恭摺
奏請可否通行各省畫一循行伏祈

皇上聖鑒訓示遵行

請修河堤代賑

奏為請修黃河堤工以固河防以濟災黎事竊照豫省黃河南北兩岸奔騰浩瀚瀕河郡縣全賴大堤以為屏障故保護于汎水盛漲之際乃所以衛民生若修築于地方災浸之年兼可以濟民食今歲自五月初旬至今七月雨水連綿一雨輒傾注六七日不止少晴復雨平地有水深數尺者河水叠次漲發普面出漕漫灘臣等督率官弁兵夫處處巡查刻刻防範相機搶護仰賴

皇上聖德懷柔

豫東宣防錄

卷五

二五

河神效順幸保無虞但黃水善淤水落沙停則灘高灘高則堤卑理勢必然且河南土性本疏經此雨水官舍民房在在坍塌况茲土築之堤外有灘水汕刷內有積澇浸泡加以傾盆大雨晝夜淋漓水溝浪窩及坍卸之處不可勝計雖經督令動用積土隨時填墊修補究係雨中倉猝搶護之工恐難經久又向來離河甚遠之處止有單堤一道今經大水河勢不無改移昔遠今近昔平今險一線單堤難支捍禦必得于水落歸漕之時逐細查勘除現在高厚完整者毋庸估修外其有卑者增

之使高薄者培之使厚離河已近而止有單堤者則加築月堤以為重門保障此臨河堤工亟應興修者也大堤及內月堤而外間有二堤例係民修今經此番雨水殘缺太甚如仍令民夫大加修築恐被災之民力有不能竊念從前建築二堤大費工力今若因循廢棄甚為可惜且多一重土堤即添一重障護若修築完整所費少而受益大此二堤亦應興修者也往年直隸山東雨澤愆期荷蒙皇上命直隸督臣查有應興工作俾小民得藉營繕以餬其口

豫東宣防錄

卷五

二五

命山東撫臣悉心計議如開渠築堤修葺城垣等事酌量舉行使貧民傭工就食兼贍家口以免流離失所復

頒諭各省督撫預為查估報部如有水旱不齊之時速為辦理不致遲滯

皇恩浩蕩

睿慮周詳誠亘古所未有也今河南開歸等府屬州縣多被水災臣等面同商酌地方興舉土工災民皆得就近傭工餬口較之磚石工程更沾實惠且河堤原係必應增培之工今歲瀕河地方又正需以

工代賑之時如于九月間將臨河大堤及月堤即
行興修令地方官催募附近民夫傭工食力而於
來歲二三月間將二堤應修工段酌給食米令民
夫修補不必照大堤按方給價則河堤既得增培
高厚永固磐石之安而貧民赴工力作不致有乏
食之虞衛民生而濟民食一舉兩得河濱黎庶共
沐

皇仁于無既矣臣等緣災民河工起見合詞恭奏請
旨伏候

皇上諭示謹

豫東宣防錄

卷五

奏

幫築豫省黃河堤工

題為堤工卑薄堪虞亟請擇要幫築以固河防事
臣看得豫省黃河為山陝鞏洛諸水之總匯南北
兩岸綿長各六百餘里全賴土堤以為屏障必須
增培高厚以資捍禦經臣擇其臨河至險極要亟
應增培者會核

題估部議覆准奉

旨依議欽遵轉飭動帑募夫僱築業已照估如式完竣
內有河勢改移或酌量減估以節帑金或移緩就
急以固要工其完工日期并改估緣由俱經咨部

豫東宣防錄

卷五

五

在案茲據河南管河道胡紹芬河北道張受長詳
稱查開封府上南河同知所屬鄭州中牟汛內建
築順堤土壩二工長四百二十丈原估銀三千一
百三十六兩八錢九分六厘內中牟九堡估築土
壩處所因河勢改移當經詳明酌減估築土壩工
長二百二十丈節省土方銀七百二十八兩九錢
二分八厘共實請銷銀二千四百七兩九錢六分
八厘開封府下南河同知所屬祥符儀封汛內應
加幫創築堤九工原估共長二千七十五丈五尺
原估銀六千一百九兩七錢五分五厘內儀封汛

岑家庄後一工第三段十六堡工長一百二十七丈五尺又劉家堂後一工長九十五丈因河勢改移相機移緩就急除于原估吃緊處工長三十丈仍照原估加帮外其餘改估帮築張家庄大堤工長一百四十二丈連原估三十丈共修工長一百七十二丈計節省土方銀四兩六錢八分三厘共修過工長二千五十丈共實請銷銀六千一百五兩七分二厘歸德府管河通判所屬商虞二汛原估創築加帮堤九工長一千五百九十六丈五尺原估銀五千三百二十二兩五錢四分九厘六毫

查虞城下汛三十八堡河勢下移陡生新險坐當頂冲攸關緊要其大堤南面雖有月堤中間六十丈不相連屬實係一線單堤必須一律接築與東西二月堤相連方為重門保障計增估接築月堤工長六十丈用過銀四百九十七兩八錢一分七厘六毫即領支前項節減銀兩脩築前經詳請咨明大部在案今共修過十工共長一千六百五十六丈五尺共實請銷銀五千八百二十兩三錢六分七厘二毫懷慶府黃河同知所屬孟縣汛加帮創築堤四工長五百四十七丈共實請銷銀一千

六百七十二兩一錢三分五厘二毫九絲六忽開
封府下北河同知所屬儀封汛加帮裡創等堤三
工長三百一十四丈共實請銷銀一千五百二十
八兩五錢七分三絲二忽以上各同知通判所屬
共二十八工共長四千九百九十一丈五尺通共
實銷銀一萬七千五百三十四兩一錢一分二厘
五毫二絲八忽俱係實工實用並無絲毫浮冒擬
合造冊加結詳送伏候會核

題銷再查上南河廳屬中牟九堡土壩長二百二十
丈原估銀二千二十四兩九錢二分八厘嗣緣河

豫東宣防錄

卷五

三五

勢遷移相機取土實用銀一千二百九十六兩較
原估節減銀七百二十八兩九錢二分八厘下南
河廳屬原估銀六千一百九兩七錢五分五厘內
有移緩就急改估帮築張家庄等工節減銀四兩
六錢八分三厘二共節減銀七百三十三兩六錢
一分一厘查有歸河廳屬虞城汛三十八堡堤南
增估接築月堤長六十丈共用銀四百九十七兩
八錢一分七厘六毫即于上南下南二廳節減土
方銀內動支統計此案增培改估增築各工較原
估仍存節減銀二百三十五兩七錢九分三厘四

毫俟部覆准銷之日解司歸款合併聲明等情冊
詳前來臣復勘核無異除將冊結送部查核外相
應會同河南撫臣尹會一合詞恭疏

題銷伏乞

皇上睿鑒勅部核銷施行

豫東宣防錄

卷五

三



豫東宣防錄

乾隆四年

地 721
844
:9



恭報秋汛安瀾



題為恭報秋汛水勢情形事據署河南懷慶府黃河同知武錫彤呈稱所屬孟縣武陟滎澤三縣境內黃河北岸水勢自七月初五日立秋起至九月二十二日霜降止陸續共長水四丈一尺四寸共消水二丈九尺七寸除長落相抵外淨長水一丈一尺七寸一切堤埽工程竭力修守俱各保固平穩又據署開封府上北河同知張傅呈稱所屬原武陽武封邱三縣境內黃河北岸水勢自七月初五日立秋起至九月二十二日霜降止陸續共長水

四丈一尺八寸共消水二丈九尺九寸除長落相抵外淨長水一丈一尺九寸一切堤埽工程相機修防俱皆保護平穩又據開封府下北河同知胡相呈稱所屬祥符陳留蘭陽儀封四縣境內黃河北岸水勢自七月初五日立秋起至九月二十二日霜降止陸續共長水四丈二尺二寸共消水三丈一寸除長落相抵外淨長水一丈二尺一寸一切堤埽工程俱竭力修防保護平穩又據署開封府上南河同知事陳留縣知縣羅光臨呈稱所屬滎澤鄭州陽武中牟四州縣境內黃河南岸水勢

自七月初五日立秋起至九月二十二日霜降止
陸續共長水四丈一尺八寸共消水二丈九尺九
寸除長落相抵外淨長水一丈一尺九寸一切堤
埽工程加謹修防竭力搶護得保平穩又據開封
府以通判管下南河同知事張廣居呈稱所屬祥
符陳留蘭陽三縣境內黃河南岸水勢自七月初
五日立秋起至九月二十二日霜降止陸續共長
水四丈二尺二寸共消水三丈一寸除長落相抵
外淨長水一丈二尺一寸一切堤埽工程加謹修
防俱各保護平穩又據儀考管河通判孫浙呈稱

豫東宣防錄

卷五

三

所屬儀封考城二縣境內黃河南岸水勢自七月
初五日立秋起至九月二十二日霜降止陸續共
長水四丈二尺六寸共消水三丈三寸除長落相
抵外淨長水一丈二尺三寸一切堤埽工程加謹
修防搶護俱獲平穩又據署歸德府商虞通判董
源涵呈稱所屬商邱虞城二縣境內黃河南岸水
勢自七月初五日立秋起至九月二十二日霜降
止陸續共長水四丈三尺共消水三丈五寸除長
落相抵外淨長水一丈二尺五寸一切堤埽工程
加謹修防搶護俱保平穩又據署懷慶府沁河通

判事衛河通判喻弘猷呈稱沁河水勢自七月初五日立秋起至九月二十二日霜降止陸續共長水四丈一尺共消水二丈九尺四寸除長落相抵外淨長水一丈一尺六寸一切堤埽工程俱各搶修平穩又據署山東曹州府黃河同知呂肅高呈稱所屬曹單二縣境內黃河北岸水勢自七月初五日立秋起至九月二十二日霜降止陸續共長水四丈三尺共消水三丈五寸除長落相抵外淨長水一丈二尺五寸一切堤埽工程俱各竭力修防獲保平穩各等情到臣據此該臣會看得秋汛

豫東宣防錄

卷五

三

綿長正修防喫緊之候而沁黃交漲尤工程險要之時臣凜遵

聖訓嚴督屬員各處加謹防護臣復上下往來調度督率道廳營汛等官亦皆倍加凜慎晝夜巡防遵照指示凡迎溜頂冲汕刷蟄陷之處俱即竭力搶護仰賴

皇上聖德厚福河東兩省南北兩岸工長一千二百餘里一切堤埽各工均屬穩固今據豫東二省各廳呈報秋汛水勢自七月初五日立秋起至九月二十二日霜降止黃河自孟縣下至河南虞城山東

單縣陸續淨長水一丈一尺七寸至一丈二尺五寸不等沁河陸續淨長水一丈一尺六寸各處埽壩工程俱各修防平穩等情前來臣查今歲夏雨過多黃沁兩河水勢洶湧非常入秋之後又值陰雨連綿水更增長上提下坐在在堪虞乃於工程緊要之時或大溜開行天晴風息人力得以施展或形勢忽順稍加人力即成天然引河此皆由我皇上保民若赤之

聖衷鞏固河防之

睿慮上契

豫東宣防錄

卷五

三五

天心所以

河神默相汎水安瀾隄防寧謐以彰萬年清晏之休至東省運河水勢消落歸槽回空糧艘隨到隨行並無停泊阻滯所有秋汎水勢已過黃運工程平穩情形臣謹會同河南撫臣尹會一護理山東巡撫印務布政使臣黃叔琳合詞恭疏

題報伏乞

皇上睿鑒施行

謹籌清地栽葦

奏為謹籌清地栽葦以裕工料事竊照河工捲埽料物原取資於葦柳江南淮揚一帶因海蕩產葦甚廣埽料純用葦柴各廳向民間就近購買復設葦營官兵需事採運徐邳距海蕩稍遠盤運維艱則將秫稽與葦柴並用至豫東兩省向來並無葦柴是以純用秫稽其應用官柳不敷亦即以秫稽代之需用秫稽既多採辦亦殊不易况葦柴質堅體重捲埽入水沉底較速且可經久秫稽外包薄皮內加棉絮質浮體輕沉底較遲兼以豫東土性虛

鬆急溜淘刷每至漂埽塌堤甚費周章且秫稽性不堅實易於腐蝕臣每思得葦柴與秫稽相間攙用則帑料既不致糜費而工程又得如式堅固無如江南葦柴逆流數千里勢難購運本地又不產葦無從購覓臣往來南北兩岸見有堤外老灘內沮洳之地與堤內積水坑塘頗多因留心察詢僉云俱係民地河員不便栽種臣思此等坑塘低灘固不宜於禾稼似尚可以栽葦乃任其拋棄甚為可惜因隨處勸諭並令河員買地栽試土脉亦屬相宜雖所長葦草不及江南海蕩葦柴粗大而較

之秣稽則重實不啻數倍實為河工有用之物可
否容臣會同各撫臣飭令地方官將堤內堤外此
等積水坑塘低灘久不開浚不堪栽種禾稼者悉
行查明地段畝數開造清冊並查錢糧如從前已
經豁除毋庸重復請豁如現在賠糧即詳題請

旨豁除交與管河廳汛催覓善栽之人栽種葦草採割
交工攬用每年將催覓工價並採割葦草數目造
冊送部查核如此則易沮洳而為葦地化無用為
有用在民間拋棄之地得豁錢糧既可永除而河
工得此適用之要料又可以裕工需即無業民人

豫東宣防錄

卷五

三六

就催栽葦亦可以傭工食力臣反覆籌思實於河
工民人均有裨益謹將愚昧之見恭摺具

奏是否可行伏乞

皇上睿鑒訓示遵行

請增曹單廳員

奏為循例請增廳員蒞責守以重修防事竊照山東曹州府黃河同知所屬曹單二縣黃河工程於河南開封府下北河同知所屬祥符陳留蘭陽儀封四縣黃河工程均在黃河北岸地處下游其單縣河堤與江南礪山縣河堤相接水勢至此愈大地勢至此愈卑河身至此漸窄土性至此愈疏一道長堤不惟為地方民生之保障抑且關東省漕渠之通塞工程最為緊要查曹單二縣河堤計長二百三十里祥陳蘭儀四縣河堤計長二百六十餘

豫東宣防錄

卷五

三

里向俱止設同知一員平時查勘修防尚可查過一處再查一處修完一工再修一工如至伏秋大汛處處宜守刺刺宜防設遇工程險急無間風雨晝夜即須星馳搶護今東西相隔二百數十里無論精力稍弱之員難以兼顧即令強幹者來往奔馳亦苦分身無術竭蹶不遑雖伏秋汛內各添派人員協同修守然委員協助究無蒞責未便定為常例臣等查河南歸德府管河通判因工長汛遠上年經臣白鍾山與臣尹會一商酌援照江南徐屬添設通判之例會摺

奏請增設通判一員以一員管商邱虞城二縣河道工程一員分管考城縣并開封府下南河同知所屬儀封縣南岸河道工程經部議准奉

旨俞允欽遵在案今歲伏秋汛內河水疊漲該員等各在汛地巡防修守較前殊覺周密今山東黃河同知河南下北河同知所管河堤與原設歸河通判下南河同知所管河堤綿遠相同而曹單二縣與江南接壤與南岸考商虞三縣緊對其工程險要亦屬相等歸河增設一員畫地分防已有成效則山東黃河同知與河南下北河同知所管河道工

豫東宣防錄

卷五

三

程亦宜循照畫分庶得繁簡適均臣等公同商酌兩廳界址毗連止須增設一員將單縣與江南交界起至曹縣曹家庄止令原設之黃河同知管改為曹單同知自曹縣曹家庄起至儀封縣與蘭陽縣交界止堤埽各工添設曹儀通判一員令其管仍照沂郟海贛同知聽山東管河道江南淮揚道各行督察之例將該通判所管河道工程亦聽山東管河道河南河北道各行督察如有舉劾事宜聽河東河臣會同山東河南撫臣一體考察其儀封以上至祥符縣與封邱縣交界止仍令下

北河同知嵩管如此則道里遠近適均力能周遍
可無奔馳莫及之虞而工程畫分防守各有嵩員
嵩責亦無顧此失彼之慮是增設一倅而與六縣
緊要河工均有裨益矣臣等為河防起見再四熟
商意見相同謹合詞恭摺具
奏是否可行伏乞

皇上睿鑒訓示遵行

請設黃河巡船

奏為請設黃河巡船以資防緝以衛商民事竊照豫東兩省黃河上通河陝下達淮徐凡河南開歸陳許彰衛懷各府州縣所產糧食棉花等項貨物與各府州縣所需江南各項貨物多係用船裝載由黃河上下往來至馬頭渡口停泊起卸而河之兩岸一片沙灘村庄稀少向又未設墩舖汛兵設有孤客行舟風雨暮夜猝遇匪類竟無救護追捕之人臣查江蘇地方大江則有弁兵分巡會哨湖河以內則有兵丁駕船遊巡在江蘓人烟稠密瀕河

大路又有墩舖汛兵而河內尚有營兵駕船巡緝即山東運河人煙雖不及江蘓稠密而河岸俱有墩舖聯絡節比至于黃河惟徐州一帶經原任大學士管理總河事務臣嵇曾筠曾設巡船派兵巡查稽察防範均屬周密豫東黃河兩岸崖村落既屬稀疎墩舖又未安設而商民船隻絡繹往來南北貨物堆棧充盈慢藏誨盜甚為可慮似宜增設巡兵以資防護臣查南北兩岸共長一千二百餘里今如添置墩舖誠恐各鎮標營汛廣兵單不敷派撥又未便因此即添募兵丁加增糧餉可否

江南安設巡船之例河南南北兩岸各設巡船兩隻山東曹單二縣設巡船一隻每船派兵十名令其在船上下遊巡遇有匪竊即行拿捕該管將脩仍不時查察如巡兵有怠惰踈忽即行調換責革其撐駕船隻瀕河營兵生長河濱多係習慣即另覓舵水亦屬無多計添設巡船不過五隻所需巡兵不過五十餘名各鎮分派不過十餘名抽撥尚易而巡緝既嚴匪類不敢潛匿不但河路肅清商客行舟安穩即馬頭渡口堆積貨物亦不致有鼠竊狗偷之事臣在河干往來數載詳籌熟計如此

豫東宣防錄

卷五

四

防範似于河路商民大有裨益謹將愚昧之見具摺恭

奏是否可行伏乞

皇上睿鑒施行

請巡漕御史分地巡察

奏為循例恭請

欽點巡漕御史協查挑河並請仍照原定地方分巡以收實益以免岐悞事竊照山東運河歷年大小輪挑乾隆二年輪屆大挑經臣

奏請巡查山東漕運御史就便協同河臣督率稽查荷蒙

皇上特旨俞允乾隆三年輪屆小挑因是年重運過淮展限回空糧船較往年稍遲又蒙

皇上允臣所請

豫東宣防錄

卷五

四十二

恩賜欽點巡漕御史令督押回空南下即駐濟寧協同臣料理築壩挑河事宜兩年以來臣與巡漕御史上下往來稽查周密不惟河道深通漕船迅速而巡漕御史自挑河之始以至工竣備悉原委情形催僱漕運緩急亦覺適宜河漕均有裨益此皆我皇上聖鑒周詳之所賜也今歲係屆大挑之年承上年小挑之後又值今歲六七月間山水甚大挾沙帶泥俱歸運河水過沙停河身率多淤澱較之往年更關緊要臣已將請定募夫工價銀兩照例具疏題撥一面豫飭道廳并派委諳練人員將應挑河道

逐細量估一俟煞壩空水之後即行興挑但夫有定數期有定限必得處處督率刻刻稽查庶得依限完工挑浚如式可無怠延草率等弊可否仰懇皇上天恩將巡查山東漕運御史亦照上年

恩賜先點一員於十月內抵東協同臣往來督查則較從前不過早到一月而河工運道受益實多再查乾隆二年八月內定例巡查山東漕運御史駐劄濟寧自山東臺莊起至北直止其巡查直隸漕運御史駐劄天津至山東交境止分地巡查遵行已經兩載巡查催儻並無貽悞今歲給事中臣馬宏

琦

奏請給與驛站船隻廩給口糧疏內稱以臨清為界查臨清迤北至德州桑園鎮尚係山東巡漕御史所巡地方其天津巡漕御史照依原定界址止應以山東交境德州桑園鎮為界今若至臨清與原定駐劄巡察界址不符且臨清至德州數百里河道如仍令山東御史照前巡察則兩員同巡一處事無蒞責如竟改歸天津御史則天津至臨清水路往返一千六七百里相隔寫遠不免顧此失彼如將該御史移駐臨清則天津一帶轉無

欽差大員巡察如仍駐天津則臨清至德州一帶漕船設有沿途生事或盜賣漕糧或停泊耽延等弊遠在天津者則鞭長莫及近在濟寧州者又非其責任必致彼此兩悞况臨清板閘內係汶河外係衛河其地高下懸殊每一啟板建瓴直瀉全在相機啟閉加意節宣方得兩利無害今如以此地為界勢必各圖漕船迅速天津御史利在啟板洩水山東御史利在閉板蓄水非一瀉無餘閘內乾涸後船難進即涓滴不瀉閘外淺澁前船頂阻貽悞漕運更大且如此時挑河臨清一帶最關緊要自乾

豫東宣防錄

卷五

四

隆二年蒙

皇上恩允巡漕御史協同督查挑挖皆得如式催漕亦緩急有序今大挑在即山東御史自必以非其所巡地方不便前往而天津御史亦未便因此即早至臨清多費驛站錢糧種種未便事關漕運重務臣明知此種情節不敢不據實

奏明可否仰請

皇上俯念分地巡漕章程盡善仍照乾隆二年原定起止地方駐劄天津御史巡至山東交境之德州桑園鎮止駐劄濟寧御史亦巡至德州桑園鎮與直

隸交境止則疆界攸分巡查稽察各有端責實於
河漕有益至山東境內有直隸清河縣河道二十
里故城縣河道十六里與直隸天津隔越數百里
而與山東夏津武城等州縣河道犬牙相錯皆山
東巡漕御史往來催漕必經之地巡查最為順便
若天津巡漕御史為此三十六里河道而往來跋
涉千百里之遙以致南北不能兼顧實為未便應
請令山東巡漕御史一併就便往來巡查似覺更
妥臣謹就愚昧之見恭摺具

奏伏乞

豫東宣防錄

卷五

五

皇上聖鑒訓示遵行

漳河請復故道

奏為備陳全漳歸衛之患請

旨查勘故道以分水勢以利運道民生事竊查漳水源出山西其自長子縣出者為濁漳自樂平縣出者為清漳穿太行山至河南涉縣之合漳村合流與萬山衆壑之水會而為一洶湧異常從前係由直隸入海其引至山東館陶縣入衛河自康熙四十五年始其時山東濟寧道張伯行以衛河水弱議詳河撫二臣請引漳水入衛以濟漕運撫臣趙世顯並未具題即批飭館陶縣并咨直隸撫臣轉飭

挑濬蓋欲分漳之有餘以濟衛之不足初不意全漳之歸衛也乃自康熙四十五年以後漳河故道歷久漸淤漳水全歸衛河漳衛合力並馳排山倒峽而來一線衛河勢難容受山東德州適當衛河之衝不但漕艘經臨波撼浪湧每有沖擊損壞之虞而且水勢泛漲廬舍民田難免湮沒之患德州首受其害直隸吳橋寧津東光南皮滄州等處亦皆波及雍正八年十一年其最甚者前撫臣岳濬因奏請會同直隸督臣李衛河臣顧琮河東河臣朱藻公同會勘於德州哨馬營建築滾壩開挑支

河以分衛河汎漲之水由鈎盤河達老黃河入海
蓋以保護堤岸田廬則誠善矣又不意沙水之易
淤支河也乾隆二年

欽差部臣趙殿最等會同臣等查勘支河上下情形每
年洩水必致淤墊隨議重加疏浚並將支河壩以
下曹村堤口開挑中間阻碍水勢之橋梁拆除以
冀水勢暢達浮沙少淤復請照歲修之例每年挑
浚無如漳衛二水源出萬山挾沙帶泥而來本來
渾濁支河入旁設衛河東岸無迎溜吸川之勢有
流緩沙停之病又支河入鈎盤河處形如丁字難

以直達縱百計經營究不能禁其淤墊今欲另擇
捷徑使之建瓴直瀉不但上下左右並無可以另
開支河之處即有可開之處亦恐取徑太直建瓴
下瀉有奪河阻運之患欲將現在支河棄而不治
則恐復有滄漫田廬之害自不得不歲加修浚但
年挑年淤幾成漏卮臣等再四籌畫抽挑中泓使
河窄流急沙隨水行並於漳水漸消水力已綿之
際衛河無庸分洩即於壩上加築草土不令過水
以免勢緩沙停雖將來淤沙較前可以稍減然亦
止就支河為補偏救弊之法而非治漳水釜底抽

薪之計臣等於勘小清河時復細加商酌哨馬營支河原為衛河水漲而設而衛河之所以易漲者由於全漳歸衛之故與其歲歲多費帑金以挑必淤之支河曷若令漳水復其故道衛河不致漲溢為一勞永逸之計且漳水性本湍悍今與衛水合流于一線運漕之衛河其勢斷不能容查康熙四十五年東昌知府黃汝銓詳內有云引漳入衛以濟漕運策非不善但恐有意外之橫流館陶民生恐不可問等語今已全漳由館陶歸衛則館陶一帶地方尤為可慮又不獨德州與直隸吳橋等州

縣有滄漫之憂也臣等伏查康熙四十五年河圖館陶之西直隸威縣有漳水支河一道名清陽江又名黃路河由東北經直隸清河縣歸天津入海又西有正河一道由西北經直隸寧晉縣大陸澤亦歸天津入海彼時正河勢尚浩大即不長水亦可舟楫通行黃路河水小之時尚寬至二三丈五六尺不等語在廳縣會勘詳內淤阻未久故道或尚可請復於兩處內擇其易於疏浚者請復一處使漳水有歸海之路而於館陶相度地勢如可建一閘洞衛河水大則聽漳水入海以防其漲衛河

水弱則分漳水入衛以濟漕運操縱在人節宣有制可收漳之利而不受漳之害此則一勞永逸而目前所當亟為酌議者也但事關兩省地在隔屬可否請復臣等未能懸定請將全漳歸衛原委受害情形備悉陳

奏仰祈

皇上聖鑒勅下直隸督臣河臣與臣等公同細勘如有可復之故道即將分派疏浚宣洩歸海之處悉心妥議會

題請

豫東宣防錄

卷五

四

旨遵行但得分漳水之勢以免衛河之漲漫則直東兩省運道民生均有裨益矣為此合詞恭摺具

奏伏乞

皇上訓示遵行

病軀難膺重職

奏為病軀難膺重職恭懇

聖恩解任調理以重河防事竊臣至微極拙荷蒙

世宗憲皇帝屢次超擢用至河道總督我

皇上龍飛御極仍加任使四載以來

溫綸疊沛

賞賚頻頒凡有陳奏皆蒙

聖明採納

特旨允行臣受

恩如此深重即捐糜頂踵亦不足仰報萬一是以夙夜

豫東宣防錄

卷五

五

兢兢不敢以才識短淺而畏難不前亦不敢以氣
體孱弱而求閒乞退惟冀多竭一日駑駘之力即
盡一日犬馬之心多奉一日之職守即多沾一日
之

恩榮無如才庸任重力短心長乾隆元年冬即有怔忡
不寐之症仰蒙

皇上如天之仁

特命醫官陳燦前來診治並蒙

恩賞人參調理將及兩月始得痊愈

聖恩再造感激難名彼時醫官陳燦即云六脈細小心

脾兩傷必得調養復元方不再發經今兩載有餘
雖間時舉發一兩日即止尚可奔走辦理今歲六
月初旬一發數日頭暈氣喘臣因時在大汎河水
漲發正修防緊要之際不敢遽即瀆

奏有厘

聖心是力疾奔馳往來保護而心氣日虛加以工程
在在險要心益焦急病益纏綿七月中旬在河南
荆隆工所又感冒風寒幾不能支因恐兵夫踈懈
有悞要工不敢暫離令人扶掖在工料理幸賴
皇上大德厚福凡險要各工俱已搶護平穩臣感冒之

豫東宣防錄

卷五

五

症旋以痊愈惟心虛氣弱至今未痊伏念河工關
係重大非病軀所能經理臣受

恩深重若力所能為不竭盡血誠力圖報效即為負
恩但今心脾兩虧精神漸減若止為一身之計貪榮戀
職而不據實陳

奏于

君父之前倘遇大汎工程吃緊之時督率調度不能支
持致有貽悞負

恩更大今霜降將屆秋汎已過河水消落歸漕豫東南
北兩岸各工俱各平穩臣謹據實

奏懇仰求

皇上俯念河防重大微臣病軀難以勝任

恩賜解任調理另簡賢能乘此水落工平之時接手從容經理庶情形熟悉來歲大汛修防指示合宜河工幸甚至臣身係旗人年齒未衰倘蒙

天恩釋此重任得以調養痊可臣不敢負

恩偷安仍當懇求

皇上恩賞一差在

輦轂之下以効犬馬永報

天高地厚之恩于靡既矣為此恭摺具

豫東宣防錄

卷五

五三

奏伏乞

皇上聖鑒恩允施行

恭謝

聖恩在任調理併

賜漫遣醫

奏為

聖恩至深極厚微臣感激涕零望

闕叩

謝恭申下悃事竊臣因夏秋以來疾病纏綿具摺
奏請解任調理欽奉

皇上硃批覽奏具見卿鞠躬盡瘁之處殊深矜憐之至
但河工重大一時難得其人卿可勉強為朕在任辦

豫東宣防錄

卷五

五十三

事今特賜人漫並遣太醫前往診視務期速痊以慰
朕念欽此臣跪讀之下感痛失聲臣自顧何人五十
餘年仰沐

主恩豢養任使雖心切於報効而限於才力未能竭夫
涓埃乃蒙

聖主如此獎許如此憐惜如此委任如此眷念

賜以外間不可得之良藥外間不易遇之良醫勉以任
事冀其速痊臣自跪迎叩領至于今數日每記誦
諭旨或敬捧漫藥輒神與氣結淚下盈襟也伏念臣愚
無遠識生有赤心一介微陋身荷

三朝殊恩異數任重宣防班列督撫即捐糜頂踵難酬
萬一何敢自愛軀命妄念求閒祇以心虛氣弱任
大力微誠恐貪祿苟安設遇大汛不能支持不惟
不能遂酬

恩報

國之志反為戀職負

恩之人是以躊躇至再據實陳奏不期犬馬微軀上履
聖懷清夜捫心刺難自處悚惶悔懼莫知所措臣看太
醫劉裕鐸脉理精細用藥穩妥臣服一劑即有一
劑之效洵高出凡醫萬萬臣自度經伊調治可望

豫東宣防錄

卷五

五

速痊臣固不敢廢公事以保身亦斷不敢不留此
身以任事伏望

聖慈勿以犬馬微軀為念庶臣心得以稍安臣不勝感
戴激切懇禱之至謹望

闕叩頭恭摺

奏謝

天恩伏乞

皇上聖鑒

病痊恭送太醫回京恭謝

天恩

奏為臣病已痊恭送太醫回京具摺

奏覆叩謝

天恩事竊臣于八月間因患怔忡不寐之症頭暈氣短
行動喘吁深恐體虛力弱難膺重任不敢貪祿苟
安有負

聖恩是以據實

奏請解任調理仰蒙

皇上格外天恩

豫東宣防錄

卷五

五

諭臣在任辦事復

特賜人蔭並遣太醫診視

殊恩異數皆非臣子所可承受且臣有賤疾則蒙

天語矜憐及臣服藥有效則邀

天心欣悅以臣犬馬微末之軀何足比數乃上軫

聖慈至於如此臣受

恩深重此身此心何忍一刻稍懈月餘以來無日不感
激悚惶念輟汗流言輟淚下也今幸蒙

欽賜太醫劉裕鐸診脉用藥其應如響臣服一劑有一
劑之效連服湯藥將及兩月覺臣頭暈氣喘諸症

悉已痊愈飲食如常精神漸長即出外查看運河
經理大挑事宜奔走往來亦不覺疲乏據太醫劉
裕鐸云脉已平和止須長服丸藥可以收功善後
為臣酌定丸方臣當照方丸製常服調理念臣此
身屢荷

聖恩再造臣若止惜已身而不竭力任事固為天地間
負

恩之人若不留此身以報

主酬

恩亦為天地間負

豫東宣防錄

卷五

五

恩之人臣惟有慎以守身勤以奉職務使氣體強壯殫
心盡力保固河防以期無厯

聖衷仰報

天恩於萬一耳茲因臣病已痊可太醫不敢久留恭送
回京謹將微臣舉家頂戴

聖主格外天恩感激下情恭摺

奏謝伏乞

皇上聖鑒

會勘小清河修濬情形

奏為奏明會勘小清河應行修浚情形仰祈

睿鑒事該臣等竊查戶部侍郎臣陳世倌工部尚書臣趙殿最先後條奏東省小清河下游上游均應疏濬一案臣等會同前往詳細確勘查得小清河發源於章邱縣之東嶺山歷鄒平長山新城高苑博興樂安等七邑由淄河門而入於海自東嶺山發源起至山頭店約長五十餘里河身寬濶均屬深通自山頭店至萬家口約長十七八里河雖寬深間有淤墊自萬家口至清河口約長二十餘里河

底墊高坍崖壅阻以致水由萬家口滾水壩入許泊者十分之七行正河者僅十分之三自清河口至軍張閘約長一百一十餘里河身間斷壅淤堤岸亦多殘缺其中間對門口受沙河之水郭家口受白條珠龍之水均屬頂冲時患潰決自軍張閘至灣頭計長四十六里因烏河諸水橫截下流不能暢注數百年來屢濬屢淤久經乾斷故水由軍張閘下注於支脉溝此小清河上截之情形也又自灣頭至淄河門約長三百餘里受烏河范陽鄭黃孝婦麻大會城漢湊澗河諸水每當伏秋時勢

甚浩瀚康熙五十八年曾於會城泊下流開預備
河一道欲分麻大等河之水注於淄河因下流地
勢高昂未能下注反致石村等社亦成河泊而正
河通身皆有淤墊且荇藻叢生阻塞水道每致漫
溢此小清河下截之情形也其軍張閘迤下之支
脉溝約長二百餘里寬一二三丈不等深八九寸
至三尺不等小清河上截諸水均由此渠歸於寬
濶稍仍會入小清河由淄河門而達於海但形勢
紆曲亦多淤墊是以軍張閘一啟上游高亢勢如
建瓴下流宣洩不及橫溢散漫則高博樂三邑民

豫東宣防錄

卷五

五八

田恒被其害此小清河分流之情形也臣等細加
相度博採輿情欲施疏濬之工當求歸宿之所如
小清河底僅高於淄河底二尺有餘若議一律開
通必須更加挖深丈許是小清河底反低於淄河
底八九尺下亢上低勢必倒灌而入安能建瓴下
注臣等細思尾閘既屬高昂正河不能深浚惟有
就現在形勢兩截分治請自山頭店起至萬家口
酌加疏浚仍留萬家口滾水壩以洩異漲之水俾
由澌山泊之還河溝仍歸小清河以緩其勢其還
河溝淺狹之處酌量疏濬又萬家口至清沙泊河

身淤墊處所應逐加挑通堤岸殘缺處所照舊修整再對門郭家二口係頂冲之處應將堤岸加高培厚圈築月堤以資重門保障其乾河一段無庸挑濬至軍張閘為洩水關鍵一至伏秋水長新邑之民徃徃偷啟閘板高邑之民又復堅閉不開以構成釁端爭訟不已應測量清沙泊等處容水尺寸將軍張閘改為滾水石壩俾小清河正流并泊內不能容納之水俱由軍張壩滾入支脉溝以免爭訟其支脉溝下游之寬濶梢係入小清河會注淄河門歸海之區今查兩相接處所河底約畧相

等若將支脉溝挑挖過深則下亢上低亦致倒漾應以寬濶梢現在河身為準量定尺寸遡流而上直至軍張壩口其間高亢之處一律疏通紆曲之處酌量取直兩岸堤工加高培厚庶小清河上截之水可以循軌下注至下截河身自灣頭起至淄河門上凡係淤淺之處俱應逐一挑通如此兩截分行庶免泛濫之患而尾閘通達水有歸宿以上濬河築堤并改建滾水壩等工大約需銀二三萬金現在另委印河各員將應䟽應築丈尺逐細詳查據實估報俟估報到日另䟽具題酌時興修再

澣山清沙二泊雖係潴水之地但附近俱有民田若不立定界址設值水大之年易滋影射之弊應將泊內有糧無糧地畝查明定界以免溷淆又條奏內引入鹽河歸海一欵查小清河之柳塘舊有減水支河一道分洩小清河異漲之水入齊東縣之鹽河而歸於海久經湮塞齊東一邑地處窪下每遇伏秋大雨境內麻姑堂藕池諸窪積水由南直洩城東而鹽河又自西南貫注逼近城根若再開通此河引小清河之水以助其勢城郭民田必致均受其害似毋庸議以上據現在情形據實

豫東宣防錄

卷五

辛

奏明是否有當伏乞

皇上聖鑒訓示遵行

